

## Maasina - Ruuhu Kabataa Binndi - SW Intro Scriptures

- Luuka 17:5 Nelaabe bee mbii Moobbo oo: --Beydan min goondinal.  
Romankoobe 10:17 Hono nii goondinal hebiraa e nande waaju, waaju duu  
hebiraa e konngol Almasiihu.
- Luuka 11:1 Nannde wootere, lisaa ana wada duwaawu e nokku gooto. Nde  
o tilinoo ndee, gooto e taalibaabe makko bee wii mo: --Moobbo, janngin  
min no min nduwortoo, hono no Yaayaa jannginiri taalibaabe mum nii.
- 1 Timote 2:1-4 Annii ko adotoo-mi waajaade goondinbe: be ngadana yimbe  
fuu duwaawuuji e jaagundeeji e jettooje. 2 Nduwano-den kaanankoobe  
e jom'en doole duu, yalla eden nguurda deeyere e waaltaare e  
neddaaku e kulol Laamdo e dow huunde fuu. 3 Dum woni ko moyfi ko  
welata Laamdo kisinoowo en, 4 jiddo yimbe fuu kisa, keba anndude  
goonga.
- Luuka 22:31 Simon, Simon, Ibiliisa naagike faa seda on no alkama sedirtee  
nii.
- Jakariyaa 3:1,2 - Yahuuda 1:9 Jaka fay Miikaa'iilu, mawdo malaa'ika'en oo,  
bonkaaki Ibiliisa nde be nduddunoo banngal ireede tew Muusaa oo  
ndee. O jabaali bonkaade Ibiliisa faa o wullanoo dum, ko o wii dum dee:  
"Yo Joomiraado hiite."
- Efeesunkoobe 6:12 Sabi wanaa yimbe kabaten, ko kabaten dee, laamu e  
baawde e hooreyaaku ley oo doo aduna nibbudo, kajum e seydaani'en  
bonbe wonbe e mbeeyu bee.
- Efeesunkoobe 6:10,11 Walaa ko heddi so wanaa wiide on keewon  
semmbe e ley habbagol mon e Joomiraado, tuugo-don baawde makko  
mawde dee. 11 Bamee kaborde de Laamdo hokki on dee fuu, yalla odon  
mbaawa daraade faa cakko-don dabareeji Ibiliisa dii.
- Efeesunkoobe 6:13-17 Saabe dum, bamee kaborde de Laamdo hokki on  
dee fuu, yalla odon mbaawa habaade nde jalaande bonnde ndee warii,  
kebon kasen jiibude caggal nde kabi-don fuu faa timmi. 14 Ndennoo,  
ndaree, kumo-don goonga, boorno-don fooccitaare no saaya ndeenagu  
nii. 15 Lanndinaade waajaade Kabaaru Lobbo gaddoowo jam oo  
laatanoo on pade. 16 Wakkati fuu yo goondinal laatano on wawaade nde  
mbaaw-don sakkoraade kure kubbooje de Bondo oo wedotoo on dee  
fuu. 17 Yo kisindam laatano on kufina njamndi, nanngon kaafaawi ki  
Ruuhu Ceniido hokkata kii, kanki ki konngol Laamdo.
- Ibraninkoobe 4:12 Konngol Laamdo ngol ana wuuri ana jogii barke. Engol  
buri kaafaawi ki banngeeji mum didi fuu mbelnaa welde, engol sooroo

hakkunde yonki e hakkille, hakkunde gi'e e mbuso, ngol seennda dñum'en. Engol itta koro miilooji e anniyaaji gondi e bernde.

Luuka 4:8 lisaa jaabii mo, wii: --Ana winndii: "Joomiraado maa Laamdo tan kaan-daa sujidande, kanko tan kaan-daa rewde."

Efeesunkoobe 6:18 Wakkati fuu ngadee duwaawuuji e jaagundeeji ley habbagol mon e Ruuhu Ceniido. Kakkilee pati on ñoottu jaaganaade seniibe bee fuu Laamdo.

1 Samuyila 17:45-47 - Daawuuda & Goliath

Luuka 10:17-20 Capande njeddon e didon bee ngartidi e seyo, mbii:

--Kalfaado, fay seydaani'en bee dowtanike min saabe innde maa. 18 O wii be: --Mi yii Ibiliisa ana iwa dow kammu, ana saamira no suraango nii. 19 Mi hokkii on baawde yaabude bolle e jahe, mi hokkii on jaalaade konnee fuu. Fay huunde torrataa on abada. 20 Kaa noo, pati cevoree ko seydaani'en dowtanii on koo. Ceyoree ko inde mon mbinndaa dow kammu koo.

2 Korintunkoobe 10:3-5 Goonga, min bibbe aadama tan, kaa no min kabirtee nii wanaa no bibbe aadama kabirtee. 4 Sabi kaborde de min kabortoo dee nganaa de bii-aadama, semmbe majje to Laamdo iwri faa de mbaawi wurjinde tataaji e leydi. Minen, min wurjinoobe miilooji waybe e leydi 5 kajum e mawninkinaare fuu hadoore yimbe anndude Laamdo. Kasen min nanngooibe miilo fuu faa min ngartira dñum e dowtanaade Almasiihu.

2 Timote 1:7 Sabi Laamdo hokkiraali en Ruuhu faa kulen yimbe. Ko o hokkiri en dee, faa Ruuhu hokka en semmbe e jilli e nantaare.

Matta 12:28,29 Kaa so Ruuhu Laamdo ndibbiran-mi seydaani'en, dum ana holla Laamu Laamdo warii e mon. 29lisaa beydi hen, wii: --Fay gooto waawaa naatude e galle gorko jom semmbe teeta jawdi mum tawee habbaali joomum tafon. Kaa so habbii joomum faa teenji, ana waawi nabude ko woni e galle mum fuu.

Efeesunkoobe 1:13 Saabe Almasiihu, onon duu, on nanii konngol goonga ngol, dum woni Kabaaru Lobbo kisindo on oo. Nde ngoondin-don Almasiihu ndee, Laamdo wadii e mon maande mum nde loowi e mon Ruuhu Ceniido podanoodo oo ndee.

Golle Nelaabe 19:6 Nde Pool fawnoo juude muudum e mabbe ndee, Ruuhu Ceniido jippii e mabbe, ebe kaala e demde janane, ebe kaalta ko Laamdo loowi e mabbe koo.

Marka 16:15-18 O wii be: --Njehee ley aduna oo fuu, mbaajo-don tagoore ndee fuu Kabaaru Lobbo oo. 16 Goondindo so lootaa lootagal batisima, hisinte. Mo goondinaali jukkete. 17 Dii kaayeefiji ana ngoodani goondinbe bee: be ndibbiran seydaani'en saabe am, be kaalan demle

kese, 18 be nanngiran boggi leydi juude mabbe. Fay so be njarii poson, fay huunde wadataa be. Be pawan junngo mabbe e jawbe, cella.

1 Yuhanna 1:9 Kaa so en njaadiranii Laamdo luutti men, o yaafoto en, o labbina en e tuundi fuu. Sabi kanko, o koolniido, o pooccitiido.

Jabuura 109:17 - Yaakuuba 3:10 Jettooje e kuddi fuu ley hunduko wooto koo nii njaltata. Sakiraabe am, wanaa non dum haani worrude.

Caroowo 16:16 - 2 Piyeer 2:7,8 E ley hen, o danndii Luudu pooccitiido cuujludo sanne saabe njaahilaaku bonbe bee. 8 Oon pooccitiido koddunoodo e mabbe, bernde mum moyyunde ndee ana mettannoo jalooma beetudo fuu saabe golleeji mabbe bondi di mo yiyata e di mo nanata.

Efeesunkoobe 4:26 So on mettaama, pati luuttee. Pati janal naange tawdu on e tikkere.

Romankoobe 14:12 Nden gooto men fuu jaabanto hoore mum yeeso Laamdo.

1 Yuhanna 2:23 Sabi jeddudo Bajjo oo walanaa Baabiraado oo, ceedaniido Bajjo oo fuu ana woodani Baabiraado oo duu.

Yuhanna 14:6 lisaa jaabii mo: --Miin woni laawol ngol, miin woni goonga oo, miin woni nguurndam dam. So wanaa saabe am fay gooto waawaa yaade to Baabiraado.

Matta 11:28-30 Onon yimbe tampube roondaade donnge teddude, on fuu ngaree e am, mi fowtinan on. 29 Dalee mi fawa tekkere am e dow mon, accon mi janngina on, sabi mido sawrii, mido leyfinkinii, on tawan hen fowtere yonkiji moodon. 30 Sabi tekkere am ana yaafi roondaade, donngal am ana huyfi.

2 Korintunkoobe 6:2 Sabi o wii: "Mi hettindanike ma wakkati lobbo, mi faabike ma jalaande kisindam." Jooni jaati woni wakkati lobbo, jooni woni jalaande kisindam.

Romankoobe 10:13 Sabi "neddo fuu noddudo innde Joomiraado, hisinte."

Pergu 20:5 - sin cursed to 3 & 4 generations

Pastor T. John Franklin  
Church of Salvation, Healing, and Deliverance  
COS-HAD.org